



0092860

雪聲軒詩集



一塔踞山腹  
孤城枕傍風

多塵易  
却雨過草  
於香

橘樹園  
蒼苔  
漁舟  
蕩

序

夫詩非詩人之所能為也然則時誰為曰惟

天下之才人能為之惟天以之才人而又根原于

忠孝渾濡于詩書磨鍊於風塵英揮于

事業者能為之兼是數者尚敢以詩人目之

哉若今漢陽太守董田高君詩名滿天下

顧余自二十年前羈迹京師一遇之於就

傳捺觥之時與之言舉近而知遠異其人矣

序

未見其詩也又十年再訪之於邊地還棗之

日出其意中兩作文未慄然識其能詩矣

轉異其人也當是時余歸志已決而董田謂

余兩家雅有世好且以年故讓能於余徘徊

愛慕若不忍別者因為序其詩以美之每

未能盡及余一卧海濱屢更寒暑而董田

以垂雲之翼困於培風抱膝湖石者數年

回翔郎署者又數年竊疑其貴分公子



隨行碌、將母以鄧 為笑人之歎減其詩  
情而董田因憂之負名及其出守漢陽也

辱以全葉郵

寄併請為序言余隱居

竟因作而嘆曰盛矣哉余未之見也夫董田

本以忠孝傳家又沈深好古故讀其詩溫

柔敦厚得詩教之正凡夫祖德之深長家

聲之清日兄弟纏綿之非愛親而健統

之深情義不備見抑且歷閱榮悴險阻

序

二

有勞人征夫不能堪者而董田反藉以發

其壯思鍊其勁骨故二十年中 羈旅於役

之什居其大半而又某天知命參透于盈

虛消息之潤潛見隨時不膠一轍當其衝

若親之習出則放舟鼃窟秣馬龍堆視身

如浮雲玩萬里於掌上何其壯也泊乎收風

塵之迹以歸則儼屋容身借驢矚空聯

友朋為性命倚詩卷為長城何其高也

善乃妙簡一膺亨繼游歷三年直省人  
物賴其權衡經歲專城德感流于江漢然  
而才隨官顯心共詩清雅有案牘之縱橫不  
負吟壇之風月又何甚勤且敏也綜其歲時  
稽其出處格非畫一氣絕無雙問天下詩人  
中有是人乎故知目董曰為詩人者皆淺之  
乎論董曰者也且昂以詩論古人之詩有性  
靈美有面目矣世之學古人者筆趁而目取肖

序

三

其面目而即止董曰之於古人也直窺性靈  
遠扶其性靈而猶不止當其入手便爾相熟  
夫面目隨時屢變者也無論天下即一人之身  
少而壯之而老有不能自保其面目者矣性靈  
萬古不移者也無於一人即天下之六土異宜何  
美尚玉叩其性靈未有不相逕達者試取董  
曰之詩與當世之尋章摘句者較孰為面目  
孰為性靈是為有難矣若與古人之卓然成

家者較初目擬聽其各殊而於於性靈之湧見  
變化有以異乎無以異乎夫董田之詩一篇只  
一篇之結構數首有數首之體裁揚之則情  
景恍接于目前按之則自趣常餘于言外  
其製短者風韻較寬其駁長者轉掉必  
緊當其采燦于春池之發瓊林遇其衣  
淒若秋風之捲枯籜若足者何哉想  
其胸懷深汲時擬心獨往活乎有得與吾人

序

四

云性靈相迎是惟無作一則如有物焉勃然  
于中而不能忍然後假於詩以發之留連風  
景感物造端就翰生枝就枝布一葉一章  
成之後如彈丸脫手初不知其然而落董  
田之訪者迴環沉澁不如昂乎其人見乎其  
事或引心于要眇或動色于駢訢忽而掩其  
眉忽而抗聲擊第此于董田何類哉  
其性靈有以觸之也然董田詩益進新編

益高其初登仕版也即慨慕乎誠齋官  
為一集子志焉未逮之嘆則之茲而備特其  
一商耳若光燄萬丈之氣藏于胸而待發  
者在量田且不自覺又烏乎定諸維然余有  
以定之矣夫詩之為物少陵而謂陶冶性靈者  
也彼升堂入室視乎陶冶之淺深而性靈則  
定於初服余敢謂薑田之性靈不改於  
今日乎余又敢謂薑田之性靈必移於

序

五

異日乎夫绚烂之極基於寂寞固園之月始  
於一鈎以為花月之全體端在是吾知過此以往  
種有子萬琳琅之篇要不過如其性靈而出  
肝膽肺腑宛現紙上稿之今也然則以薑田  
之詩按其為人本一見可定而余自慚識  
淺迄始能定之去古人不亦遠哉故重為  
之序以報前言之失知其解者即以薑田  
為詩人也亦宜



雍正癸丑秋八月年家眷世弟查雲標  
拜撰



六

序

粵稽素王垂訾學詩者資  
于事父事君抑聞太史備  
官陳詩者即以采風覘俗  
后夔蕢帝諧五音以格神

序

一

人姬旦匡王歌七月而知  
稼穡蘓長公之典郡每蕪  
風月平章白太傅之清謠  
特紀閭閻疾苦是可知文  
章政事原本同條前古後

今無容岐視者也吾友薑  
田先生漢南郡守冀北才  
人金張世族豐貂珥七葉  
而遙覽舉風流玉樹列一  
門之內聞詩聞禮盡除紉

序

二

綺之風以嘯以吟恰應風  
雲之會一麾坐鎮早聽五  
袴興歌半帙擎來快覩全  
斑文豹藉以窮其底蘊因  
之溯厥生平浣花翁曾破

萬卷之書龍門叟兼行萬  
里之路吳宮楚苑觸緒留  
連蜀棧秦關興懷憑弔龍  
跳虎臥之筆標題于水驛  
山村駢珠編貝之文充滿

序

三

乎奚囊襟被或鳴其悅豫  
則鶯歌花笑爛熳行間或  
寫其悲哀則夜雨秋風淒  
涼字裏新清格調如聞玉  
磬霜林雄壯襟期恍見弩

張劍拔宵烟雲之萬狀綽  
乎手鑄洪爐直色舉夫百  
家允矣胸羅大海至若子  
安年少勤奔走以奉晨昏  
定遠才長出邊陲而親甲

序

四

胄關山夜月箏琶雜鐵馬  
之嘶蘭渚春風簫鼓助綵  
衣之舞為歌為泣無非竭  
力致身可興可觀動係民  
瘼國是緬懷在昔省郎久

占騷壇漫評今茲幕府重  
開筆陣照吞一奩明鏡湖  
對郎官貯來兩袖清風山  
圍大別舳艫排鴈翅問他  
鄉之行旅南北東西烟火

序

五

比魚鱗計此地之編氓百  
千萬億若其操刀無術方  
將苦業續之封塵苟非游  
刃有餘豈得燦筆花於清  
夜戴星而出戴星而入循

良最績羣推望重龔黃仕  
優而學學優而仕黼黻  
皇猷不讓名高燕許僕承誥諫  
漫令着穢于佛頭自顧迂  
踈未敢續聲于貂尾念一

序

六


日忝寅恭之協請百年申  
翰墨之盈爾其布政于外  
擬贈君以生民物則之章  
僕也入貢于

王當假我以天保罍陵之句

時

雍正癸丑孟冬新安弟凌如煥

拜稿



序

七



雪聲軒詩集總目

第一卷

射策小草 十三首

猶喜吟 二十一首

楚雨吟 九首

入蜀集 五十六首

第二卷

草廬存稿 二十六首

邊地晨昏集 二十八首

雪聲軒詩集總目

吁噓偶存 七首

日課閒吟 六首

後出塞吟 二十四首

學射集 二十三首

投劍草 九首

第三卷

永思集 一百二十首

第四卷

唱酬小稿 十四首

從軍吟 八首

西征草 二十四首

棄戟狂吟 三十首

言歸草 二十一首

第五卷

餘甘集 八十二首

第六卷

析居集 九十三首

第七卷

雪聲軒詩集總目

息陰集 二十六首

懶眠集 十七首

第八卷

握蘭集上 六十八首

第九卷

握蘭集下 六十三首

第十卷

日餘集上 五十九首

第十一卷

日餘集中 五十九首

第十二卷

日餘集下 一百二十四首

雪齋軒詩集總目

雪聲軒詩集卷一

高密 高 綱 薑田



射策小草

起癸巳六月  
至乙未八月

余自束髮習舉子業力不能及他學康熙癸巳夏  
大人補官赴都家兄崑源亦就試京兆予奉  
母夫人僑居白下讀詩至陟岵之章有觸于中學  
為吟咏已是蘭成射策年矣質諸先生長者曰是  
可造也因錄存之

遊清涼山寺

雪聲軒詩集卷一

一

何處問齊梁。巋然古道場。山低隱城市。路僻入村鄉。閣  
廢僧寮密。歌殘梵唄長。繁華一銷歇。香火屬空王。

江練亭

孤亭如倚笠。縱目極江臯。野水吞天靜。叢山近日高。梅  
疎飄逸韻。松老鼓寒濤。想像元暉句。忘歸興亦豪。

贈隱者

不受塵喧聒。山中足幽賞。孤鶴自飛鳴。野鹿時來往。坐  
憩松杉陰。行覓溪泉響。羨爾興條然。因知天地廣。

荒齋用賈浪仙韻

一徑入林微空園獨掩扉樹寒花未放藤剝葉全稀鼠  
點侵書案蛛絲上妓衣掃除原有志莫道總忘機

朱雀橋送張東亭夫子歸錢塘

欲成千里別小立畫橋邊日落秦淮水帆開吳越船霜  
鐘來北固烟雨過由拳想到孤山寺梅舒雪後天

聞雁

哀鴻嘹唳起汀洲江北江南慘淡秋菘米蘆花隨處有  
不應愁絕稻梁謀

遊安隱寺

雪聲軒詩集卷一

二

背郭名藍地自偏疎鐘杳杳出秋烟小橋一道碧流細  
喬木幾林黃葉連佛閣必荒巢野鴿僧房深閑噪涼蟬  
南朝賸有梅根老不與桑田共變遷

送查爾諧歸海昌

垂柳絲絲綰別愁槐黃催上秣陵舟為乘秋賦期難緩  
况戀慈闈去莫留半幅征帆離楚尾一鈞新月到吳頭  
清流碧嶽知無恙新夢隨君續舊遊

冬夜書懷

西風颯颯凍雲天別恨羈愁兩黯然母子相依燈一點

父兄遠隔路三千江城砧杵催衣急京國音書望眼穿  
正是客心孤迥處數聲雁度秣陵烟

劉德園內兄招飲鐵柱宮

倚檻大江橫霜天氣候清帆檣揚子渡烟樹廣陵城落  
木山山葉踈鐘寺寺聲醉傾京口酒無限故人情

德恩寺探梅

路轉長千古寺荒老梅閱世幾滄桑地幽留得千年樹  
雪霽開成一院香掩映松間尤的皜歌斜竹外更清蒼  
霜風肅肅寒如許惆悵綠誰誰試曉粧

悶

雪聲軒詩集卷一

三

天桃未全放梅片已紛披花事不堪問酒杯聊自怡人  
生貴適意際會匪所思偶寄江南跡何期竟久羈

秦淮小集分得寒字

雨過秦淮水氣寒携尊招侶罄交歡迎風笑語來輕舫  
隔岸笙歌到曲欄南部烟花餘粉黛青溪社集盛衣冠  
而今只有河亭在留與詩人更築壇

猶喜吟

起乙未九月  
至十二月

乙未三月 大人補任川南永寧監司是年九月

挈家自金陵沂長江渡洞庭泛沅水而抵武陵舟  
行五十餘日江山風月斷屬哀猿即景言情短章  
寄興以猶喜名之取樂天猶喜全家此去同也

自金陵至武陵江行雜咏

三年留滯石頭城說著江關動客情此日騎鯨遊汗漫  
半船書画一帆輕

水雲空濶興如何魚脫盆池鳥脫羅吳楚青山相對出  
秋風江上峭帆多

烏桕丹楓望接連微陽灑灑雁飛天漁舟三兩停橈問

可要今朝出網鮮

雪齋車詩集卷一

四

寒雨瀟瀟江上村翻風黃葉打柴門麥苗未長禾初割  
綠秀荒畦茁稻孫

舳舻卸尾泊蕪湖載得新私白勝珠我為無田長泛宅  
滿船秋色抵收租

蘆荻蕭蕭夜景清桅燈一串映江明漁舟歸晚不知處  
但聽煙中打槳聲

烟波客舫慕儔侶獨倚篷牕酌桂醕寒潮欲上江蒼茫

蘆花月白鷓鴣語

客帆遙指武陵蠻，幾日風潮到皖山。此去只憑風力好，  
寒潮不過海門關。大孤相望鬱蒼蒼，咫尺情牽萬里長。不是中流有停泊，  
好風一霎到潯陽。

霜飛湓浦雁橫秋，楓葉蘆花傍客舟。水上琵琶何處聽，  
月斜亭影漾江流。

霧散霜天翠黛浮，遠招五老入扁舟。何年直上匡廬頂，  
俯視長江一線流。

江岫人聲小，市區估帆開。落趁屠沽船，孃偷得停舟便。

笑隔芙蓉喚賣鱸。

雪聲軒詩集卷一

五

獵獵西風響，荻蘆雁飛雲外一聲孤。不知江畔踈燈影，  
可有人家賣酒無。

江山勝點想雄圖，折戟沈沙問有無。截得黃岡數竿竹，  
月明吹笛洞庭湖。

堆盤縮項銀刀潔，出甑長腰玉粒香。亦有武昌風味好，  
未應開口說蘇杭。

樓前煙樹楚山秋，樓下帆檣江漢流。何事仙人猶不返，

豈緣騎鶴上揚州。



黃蘆苦竹雪霜叢荒岬蕭蕭望不窮此夕征帆何處泊  
江豚吹浪夕陽風

極目江湖浩不分征帆葉葉化為雲滿篷風雪巴陵夜  
斷雁哀猿不可聞

洞庭一望水連天無事誰能此放船擬鐘君山醉秋月  
只今誰是李青蓮

征帆已次洞庭南水態雲情得飽諳咫尺桃源憑借問  
滿洲霜橘好分甘

洞庭湖

雪聲軒詩集卷一

六

行盡江千里烟波望不窮未來愁水濶已到覺天空日  
脚下無地帆頭利有風楚鄉何處是極目幾飛鴻

楚雨吟

起丙申正月  
月至三月

乙未仲冬 大人單車赴蜀余兄弟奉 母暫寓

武陵濱江低濕下潦上霧露雨不止劉夢得之春  
江千里草暮雨一聲猿可謂善言風土雖咫尺桃  
源又安得漁郎引入勝也耶

武陵即事

楚澤天難問茫茫濕氣浮雲蒸三伏暑雨過四時秋蛙

鼓喧城市腥風起釣舟劉郎竹枝咏誰唱酒家樓

雨止

鳴階雨竟歇雲氣散空冥池映半規月天垂幾個星興  
添蠻酒綠詩就客燈青明日晴應好登高望洞庭

武陵春日雨中憶西湖二首

三竺山如展畫屏六橋人去聽啼鶯竹枝歌晚湖波深  
飄泛船船簫管聲

昨夢孤山處士梅舊遊如水那能迴武陵終日惟風雨  
疑是春光不到來

送春

雪聲軒詩集卷一

七

韶光留不住歸去逐流波雨洗殘花盡風吹野草多幾  
宵芳樹宴一曲艷陽歌轉瞬成前事堪悲春夢婆

雨晴對月次家兄善伯韻

雲消清景溢皓月吐新晴影帶山河動光連枕簟清能  
添繁露潔不掩衆星明良夜真難得高吟暢客情

遊枉山即事三首

曾觀高士傳夢想枉人山此日武陵客扁舟沅水灣野  
花叢蝶亂汀草立鷗閒一徑穿雲上清風灑百蠻

空翠滴衣襟烏鳴松竹林孤峰窮眺覽顏殿轉陰森曠  
世偏相感他山豈不深誰能輕至貴巢許結同心  
歸櫂頑雲合填填送疾雷江風吹不散山雨颯飛來田  
父投村去魚蠻逐浦迴踈鐘回首處蒼翠鬱難開

入蜀集

起丙申  
月至七月

自武陵買舟入蜀溯江而上一水可到欲避四百  
八灘之險乃自楚適秦歷襄斜登劍閣三閱月而  
始抵錦城沿途歷覽山川古蹟不可勝紀所愧淺  
陋無文江山洵美顧安得乞靈求助耶

雪齋軒詩集卷一

八

丙申初夏隨侍 慈幃自武陵赴蜀

又着征衫別武陵濛濛曉霧響馱鈴慈烏引子投巴峽  
旅雁成行起洞庭拂袖情牽江橘綠觀圖夢入荔枝青  
峻陵風雨陳倉酒沿路應添作客經

澧州

蘋香水綠繞城灣拍拍羣鵝自往還玉白花紅三百首  
杜牧  
之句  
風流不見李文山

車武子墓

讀書終不負辛勤司馬賓筵最重君今日南平荒艸坪

亂螢光裏一孤墳

荊州

熊渠以後幾興亡  
險要徒為百戰場  
更嘆劉郎真左計  
借人城郭付降王

宜城道中

騎馬去悠悠  
溫風響粟留  
清陰喬木路  
斜照漢川流  
麻秋分荒壠  
雞豚散野溝  
曾聞多美酒  
何處試新篘

自宜城至襄陽道中口占

稍離城郭問林垆  
喬木陰陰日氣青  
黃鳥聲中行百里

雪聲軒詩集卷一

九

馬蹄忽上峴山亭

峴山

勝蹟江山自古今  
我生雖晚又登臨  
臨風更憶襄陽句  
不獨看碑涕淚深

墮淚碑二首

苔蘚一高碑  
千秋留峴首  
後世多去思  
如何獨汝壽  
太傅祠堂外  
斜陽下馬時  
我來猶灑涕  
何況郢中兒

襄陽

行帶牽風柳  
布陰行人飲  
馬漢江潯  
空傳此地銅鞮曲

却想當年上堵吟堤畔女兒花艷少望中烟樹鹿門深  
鴨頭春水槎頭雪猶道襄陽樂不禁

卧龍岡

才如管樂此耕耘梁甫吟成世莫聞早使惠陵能枉駕  
宥教帝業竟三分

張平子墓

騷雅張平子蘭臺譽並馳力疏圖讖學巧製候風儀賦  
切匡時論詩深去國思孤墳荆棘裡立馬一凄其

遊韓城秋禪寺

俗傳秋禪夜月為  
韓城八景之一

雪聲軒詩集卷一

十

不知夜月如何景且喜禪房花木幽古柏含風遮殿角  
崇榴吐火熨牆頭苔碑沒字時難問草徑藏蛇客少遊  
才卸征鞍尋淨侶數聲鐘磬野煙浮

南召縣阻雨

千峰一夜雨茅店水聲中怒漲幾沈樹頑雲不受風孤  
城斷來徃客思入溟濛昨日停鞭晚前山落照紅

魯山縣

魯山初日上遙岑負郭人家棗樹林為問琴臺何處是  
松風石瀨寫清音

幽谷關

行行函谷口回首道途平古塞荒林合中條曉日生山  
形仍帑視關路少鷄鳴欲問強秦事河流坼岍聲

潼關

直上雄關路險巖河山表裡鎖豐岐何勞壯士千夫守  
始却諸侯九國師擊筑彈箏仍舊俗車鄰駟騏驎想當時  
憑臨形勝還三歎不信長安似奕棋

華州道中

曉日華州道青山繞郭斜長烟流渭水獨堡聚人家小

雪聲軒詩集卷一

十一

旆官橋酒踈槐驛路花却思千載上此地近京華

過華嶽

望望潼津道遥遥玉井蓮三峰殊壁立獨鶴迥盤旋空  
翠流雲影清泉滿稻田鐘聲松栢裏窈窕一祠煙

蘭相如墓

殘碑剝落古原中地下人真一世雄不獨進瓶蕪及壁  
引車尤足畫屏風

驪山

華清舊事繡成堆輦道於今莽艸萊惟有驪山拳石在

幾株松柏雨聲來

灞橋

垂柳陰中走渭川馬嘶風雨灞橋邊  
那堪更聽陽關曲  
過客無端已黯然

秦中旅思

書劍悠悠不計程  
征鞭乍喜駐西京  
今朝初識南山色  
往事空留渭水聲  
陸海田園聊寓目  
蠶叢道路正關情  
膏車秣馬從今始  
應共秋風到錦城

咸陽懷古

雪聲軒詩集卷一

十二

蔓草縈烟牧豎歌  
咸陽原上夕陽過  
漢家事業餘華表  
太息英雄地下多

扶風懷古

吹面涼風下董原  
漆沮曲折弄潺湲  
俠遊此日誰驚座  
豪士何人肯報恩  
官道牛羊收晚牧  
茆亭餅餌勸朝飧  
伏波祠廟還蕭瑟  
莫更重尋絳帳村

伏波將軍祠

平生不作守錢虜  
老去思乘下澤車  
惹茲明珠安足辨  
功名萬里竟何如

曉發岐山縣

客夜不成寐，曉裝帶倦行。  
千山殘月落，四野一燈明。  
馬跡高低路，獸鈴遠近聲。  
村墟何處是，喔喔有鷄鳴。

寶雞道中和王漁洋先生韻

陳倉真古邑，霸氣黯全休。  
石鼻城何處，磻溪水自流。  
沙田肥塞草，山月掛秦鉤。  
西望連雲棧，千峰壓馬頭。

益門鎮

初試秦關險，悲歌偏側行。  
亂崖懸絕澗，疲馬繞飢蟲。  
雜樹參天綠，微陽近午明。  
一聲荒戍角，愁絕昔年兵。

曉過長橋

雪聲軒詩集卷一

十三

亂雲堆裏馬蕭蕭，百丈江聲棧閣搖。  
忽轉危峰初日上，幾家煙火傍長橋。

草涼驛

草涼樓下一停驂，杜宇酸聲忍飽譖。  
聞說明皇曾駐蹕，舉頭何處望終南。

鳳縣道中

天險關山錯犬牙，孱顏無處着人家。  
千重巒氣分斜照，一簇城烟指縣衙。  
風裏黃金茅店柳，雨開白雪石田花。



卸裘倦客還乘興洗馬嘉陵江水涯

紫柏山謁留侯祠

松栢盤擎不計年清風祠宇失炎天何人得似留侯好  
少作英雄老學仙

柴關

石磴高懸怯萬尋羸蹄蹭蹬強登臨陰岵六月清寒重  
怪鳥一聲密箬深白道沙泥驚虎跡黑林風雨想龍吟  
馱鈴斷續穿雲去佛閣真從上界侵

留壩道中

雪聲軒詩集卷一

十四

飛棧都無一尺平僕夫相戒貫魚行短墻朽木攔岵角  
側帽垂鞭避棘荆火入畚田侵路種果籬榛子傍岩生  
樹皮代瓦聊棲客支枕通宵山月明

畫眉關

冥冥策騎入雲梯四面無人萬木齊不信画眉名字好  
杜鵑啼罷亂猿啼

宿馬道驛有感

蕭何追韓信處

回首群峰日影斜一溪清淺幾人家蒼岵邃壑柴門斜  
開徧秋風石斛花

莫道王孫去路非  
從來富貴有危機  
試思鳥盡弓藏日  
何似持竿老釣磯

鷄頭關

秦關高不極  
蜀棧亘何窮  
斜谷殘山外  
褒城落照中  
深江拖一線  
亂嶽合千叢  
策馬同飛鳥  
飄飄九萬風

褒城道中

揚鞭出斜谷  
回首別秦關  
驛路輪蹄疾  
居人橘柚閒  
梁山青蜿蜒  
沔水綠迴環  
曠蕩舒心目  
歸飛寡廓間

沔縣謁武侯祠

雪聲軒詩集卷一

一五

丞相當年此運籌  
牙旗玉帳擁貔貅  
而今惟有祠堂在  
沔水含悽咽不流

五丁峽

猿鳥嘯雲端  
行行峽路難  
天容迷蚤莫  
石氣悶陰寒  
壯士今銷歇  
乖龍此屈蟠  
金牛能伐國  
撫劔一長歎

大安驛

煙雲迷峽口  
道路入氐羌  
莫問三泉縣  
殘陽滿戰場

七盤關

山連隴蜀亂迴環  
雲氣冥濛帶百蠻  
匹馬行逢泥滑滑

一天秋雨七盤關

龍洞背

漁洋先生龍門閣詩註云潛水入嘉陵江處即龍洞背亦名葱嶺按昭化縣之

龍門山一名葱嶺漁洋即以龍門閣為葱嶺殆未詳考耳

峻嶒龍背負青天  
滑石危梯馬不前  
却憶當年疏鑿手  
滔滔潛水向西川

自朝天坡放舟至昭化縣避朝天關之險

扁舟葉葉下飛波  
無數峯巒瞥眼過  
二百里程梭一擲  
朝天關上路如何

舟過廣元縣口號

雪聲軒詩集卷一

十六

葉下嘉陵江水波  
烏奴城外起巴歌  
不愁酒貴如金汁

唐庚詩黎州酒貴如金汁眩轉雲山已半舵

劍閣

屹屹雄關俯大荒  
驕蹄嘶入翠雲廊

自劍閣至梓潼三百餘里明正德間

州牧李驊兩旁植松柏數十萬株

國朝州牧喬銖題之曰翠雲廊回看蜀棧連秦棧

轉見前行壓後行  
黑水一條通絕徼  
青山萬點出秋光  
戎來六解觀形勝  
讀罷碑銘愧孟陽

宿梓潼縣

合沓蒼山繞城郭  
荒涼茆店隱蓬荊  
秋風忽送深宵雨

虎嘯猿啼迸入城

渡潼江

雨洗千山淨少泥平添新漲碧瓊人問路有潼江險

李義山句羅穀今纔沒馬蹄

綿州

涪江秋水抱城流喬木蒼烟帶一州行客不知興廢事  
逢人猶問越王樓

夜抵金山驛

日落巴西道荒山暗去程疲驂愁失路虛谷悄多聲土

雪聲軒詩集卷一

十七

堦疑人立羌村獨火明艱難投宿處無暇數寒更

羅江驛故縣今省入德陽

曉日蒼涼照廢城賣漿賣餅幾柴荆行人飲馬潺亭水

何處桃花犬吠聲

宋淳化中羅江縣貢堯花犬常馴于御榻前太宗不豫犬亦不食及升遐

號呼涕泣以致疲瘠叅政李至作歌寄李若水末句云白麟赤雁且無書願君書此傲浮俗

德陽縣

千水千山付過程鹿頭南望野田平紅薑紫芋青黃稻  
風物遙知近錦城

漢州

小立斜陽喚渡船  
漢州城郭雁江邊  
芰荷松桂今何處  
半種瓜田半稻田

西湖

在漢州唐刺史房瑄鑿今湖已廢惟道旁一石鵝房公湖三字

不醉鴛兒酒  
那眠金雁驛  
秋草沒官池  
一片房公石

雪聲軒詩集卷一

雪聲軒詩集卷一

十八

雪聲軒詩集卷二

高密 高 綱 薑田

草廬存稿

起丙申八月  
至丁酉八月

永寧古蘭州也在成都東南千有餘里 大人抵  
任後即署松茂副使篆假館會城寓郊湫隘余兄  
弟則誅茆架竹以居僅蔽風雨問安視膳之外讀  
書其中間出南郊訪古至昭烈武侯祠及工部草  
堂徘徊於茂林修竹間嘯咏終日亦有足樂者

初到成都

雪聲軒詩集卷二

一

秋日照層城萬里行人至夙聞天府雄高門可納駟那  
知劫火餘市廛粗布置瓦屋間茅廬假館容車騎殊方  
喜停驂于舍非旅次從容拜家慶晨昏遂娛侍月明叢  
桂香却話征途事楚雨麥初秋鞍馬行役始坦道石兼  
泥山程炎暑熾秦關儼星羅蜀嶺空天倚陰岷密箐間  
豺虎多窺伺聯行如貫魚深江凜失墜宿食每不時探  
懷分餅餌我行猶艱虞孤客真憔悴日日望芙蓉不覺  
夏云季西窮喘冢盡纔見巴江駛險過劍門關殘程得  
縱轡回首萬山高魂定心猶悸無嫌跋涉勞且復詫奇

異屈指溯間關聊存什一二古來此邦勝在在列傳誌  
惠陵武侯祠遙遙千載思琴臺映片雲元亭問竒字草  
堂在何許修竹想蒼翠仙人玉局觀隱士賣卜肆行當  
次第尋一洗懷古志莫更問當壚吾恥親滌器安得登  
岷峨直探江所自瘴雨與蠻烟目盡不毛地茲遊極西  
南未必非天意

九日武擔山登高

江城雨意壓深秋結伴提壺上古邱冥漠烟雲拖雉堞  
參差里閉榭田疇詩成滕閣名傾座醉插齊安菊滿頭  
一種登臨酬令節古來幾輩擅風流

雪聲軒詩集卷二

二

初冬有懷

萬里來巴蜀風光又一時夜寒雞唱早地煖雪飛遲鄉  
國殊關念親賓悵遠離雁鴻聲不到何處寄相思

冬夜即事

夜長綿欲折煨火只微吟門掩三更月書探萬古心風  
乾霜葉響人靜屋廬深空外清砧滿如何不輟音

聽雨

浙浙初喧耳踈踈漸滴聲多在竹寒意悄侵簾燭

暗同愁結香銷信手拈早梅無恙否江上北風嚴

送朱審淵表兄入都

蠻雲黯黯雪霏霏馬橋邊送客歸親串不堪成遠別  
功名此去願無違滿懷纏綰憐征袖一騎盤旋入翠微  
過盡殘冰秦棧路好將春色到王畿

月夜

落案燭花輕虛齋受月明到牕梅影瘦沈水篆烟清深  
院迷霜氣空城響漏聲掉頭吟正苦烏鵲夢頻驚

歲暮書懷

雪聲軒詩集卷二

三

殘年似酒不禁傾花柳含滋漸向榮絕域春光移斗柄  
殊方歲事詫龜城管中窺豹平生耻江上乘風萬里情  
青史功名何路是最憐弱冠請長纓

絕句

漸覺燈花暗短檠酒兵無力破愁城可憐獻歲逢人日  
半夜不眠聞柝聲

春夜懷馬秋田

披襟坐草堂夜色正微茫星斗涵虛碧芝蘭透遠香酒  
邊誰舊侶劍外又春光言念江南客烟波萬里長



晚興

散步鞠場邊春光倍可憐  
亂烟歸鳥路斜日養花天  
好景無停晷閒居惜少年  
狂歌饒感激一灑浣花箋

贈查兩顧

海昌查君古君子澹泊家風守清白  
不與流俗爭窮通境遇浮雲隨所適  
別離會合忽數年周旋傾倒同肝膈  
竭來又作萬里遊歸家歲月翻如客  
瀟湘澤國與行吟蠶叢鳥道同驅策  
風塵薰面見者驚壯志何曾減疇昔  
古道榛蕪廢不行得君力與重開闢  
一泓秋水淡相對海角天涯共晨夕  
吁嗟乎眼前微逐何紛紛邂逅相逢  
稱莫逆雨雲翻覆在終朝念此令人三歎息

春夜與兩顧言懷

滿眼鶯花轉眼過空堂入夜雨聲多  
平生有志原非薄此際無君可奈何  
銀箭漏長金醖酒珠簾風細玉人歌  
明知此樂非吾事剪燭閒翻墨沼波

青羊宮

老子謂闕令尹喜曰後於青羊肆相尋即此

負郭聳仙宮荒涼殿宇紅門當官道  
掩樓對古原空漢代傳經盛唐家具禮  
崇惟餘清淨意修竹鬱青葱

二仙菴

芳草如茵雨剪齊仙宮路遶石橋西烟中竹樹叅差合  
雲外幡幢只尺迷洞府日長春不老瓊臺花落鳥空啼  
蓬萊縹緲青城遠此地隨時酒可携

送兩顧之永寧

縱使歸期遠無過月再圓只憐分手日偏值暮春天山  
色平羌水猿聲入峽船烏蠻真絕域清夜有啼鶻

謁昭烈祠

何處哭英雄荒祠夕照中君臣魚水契俎豆歲時同鼎

雪聲軒詩集卷二

五

時寧初志黃圖有舊宮如何中道折失計小江東

昭烈祠晚歸

落日馬嘶風歸鞭古殿空載薪車輻輳聯騎轡瓏璵雉  
堞荒原外人烟村塢中惠陵回首處草樹莽青蔥

草堂

人生非得已孰肯違故鄉况此蜀道難更值戎馬場公  
昔少壯日才藻擬班揚結交高李徒意氣相激昂自命  
稷與契致君思虞唐獻賦入明廷徵官信行藏云何天  
寶末鞞鼓動朔方秦闕殺氣黑君臣俱踉蹌隻手倚長

劍那能殪天狼負薪拾橡栗飢寒趨路旁故人嚴鄭公  
擁旄鎮蜀疆艱難相因依誅茆傍滄浪鬱鬱濟世志貧  
病老年光憂憤託詩篇字字吐光芒嗟哉杜陵翁世族  
居襄陽時危偶流寓寧復戀此邦高賢一棲止流風百  
世長修竹浣花溪至今餘草堂殘碑儼遺像鬚髻含風  
霜我生千載後聊復敬瓣香錦江流浩浩玉壘迥蒼蒼  
此堂俱不朽匪徒重文章窮達何足論男兒期忠良

犀浦道中

雲氣收微暑西郊驛路賒雨中城郭遠村外板橋斜蠻

雪聲軒詩集卷二

六

女飄花帶巴童認酒家殊方農事早秧水綠無涯

耶縣晚歸

乍暑不可觸遲留薄莫歸烟昏栖鳥亂日落路人稀古  
寺鐘聲遠遙村燈火微馬蹄修竹裡清氣透練衣

丁酉端陽前一日得子

我年十九笑頭顱此日生兒彼丈夫但保弄麈書不錯

敢云集鳳夢無殊聯翩新雁來依序

乙未冬大兄舉子  
丙申秋二兄舉子

點檢殘編待業儒更喜門闌逢令節右懸艾席左懸弧

夏夜有懷

踈簾明月光清簾帶微香因以玉峰近能令午夜涼放  
懷空俗慮至樂本家常遙憶窮邊客孤吟燭燼長

聞雷

誰觸阿香嗔填填倚柱聞暗聲摩地軸疾勢走神軍振  
谷疑皆破弥天聽不分何當連夜雨一為滌炎氛

昭烈祠送崔用齋別駕返建昌

分刺邊陲重西川只暫過離懷仍不極歸路復如何天  
盡邛峽嶺烟深大渡河行行莫回首風雨惠陵多

即事呈兩顧

雪聲軒詩集卷二

七

蝸廬苦炎熾燕壇得移牀就竹迎朝翠隨梧納晚涼牙  
籤紛列架蘭蕙繞迴廊更喜幽人近書聲隔短墻

邊地晨昏集

起丁酉九月  
至戊戌三月

丁酉之歲策旺阿喇布坦令其黨車陵敦羅布襲  
據烏斯藏地松州塞外即通藏路也

詔發滿漢兵設防古潘州為犄角之勢大人專司饋

饗移駐塞門余乃奉晨昏於幕下供硯削於軍中  
凡有所作皆軍戎餘事為紀邊地風情不忍棄置

爾

丁酉九日武擔山登高

眼看秋色又將闌黃葉黃花匝地斑絕域重陽惟酌  
古邱數仞慣躋攀誰憐賓客風吹帽還詫松藩雪滿山  
不用顰眉歌一曲知音何處盡苗蠻

隨侍 大人理饒松州留別崑源箕谷兩兄

辭家浩蕩賦西征殘菊花前酒細傾顧我未經戎馬後  
憐君無限別離情窓燈夜雨魂應斷鼓角秋風夢亦驚  
聞道雁鴻飛不到雪欄山外是愁城

土橋別兩兄

雪聲軒詩集卷二

八

風雨暗龜城村林點菊英雁行從此別馬角幾時生極  
目千山路回頭兩地情北堂萱草色頗為報數榮

灌縣

百里投孤邑停鞭暮雨昏堰分城北水

岷水自灌縣分  
流灌縣數邑早

勞無虞堰工  
最為緊要山負郭西門

縣之西門  
獨在山上

幕府文書急邊關

士馬屯哀笳何處發悽斷別離魂

汶川道中

遠客心如結悲嘶馬不行山餘落日影袂帶故人情滾  
滾蠻江勢蕭蕭木葉聲殊方秋易老風雪閉孤城

即看秋色又將闌黃葉黃花匝地斑絕域重陽惟酌  
古邱數仞慣躋攀誰憐賓客風吹帽還詫松藩雪滿山  
不用顰眉歌一曲知音何處盡苗蠻

威州

蜀路新修後誰言盡坦平石崩千樹落江潤一繩橫  
橫江繫索于兩山之麓渡者判木為瓦以瓦覆索兩手抱瓦而過名曰溜索即楊升菴所謂度索尋橦也霧裏盤飛棧山頭冷廢城  
姜維討汶山歿羌屯兵於此城基尚存窮邊何日到未敢計歸程

茂州

黃雲連塞外黑水出羌中天半碛房蠹秋成麥架同  
霜雪最早不宜禾黍惟有青稞一種每歲二月投種五六月始秀八九月收穫尚帶青濕必涼晒月餘才可作食故番家各製木架高二三丈許種青稞則置架上以受風日倘遇雨雪則盡霉爛終歲之勤動虛矣棧

雪聲軒詩集卷二

九

危人束馬日落野生風行旅將殊俗勞歌意未窮

平番道中

平夷西去即平番積土城孤未抵村山入窮荒無草木  
水流絕塞更潺湲凍雲不斷炊烟絕倦馬長嘶落照昏  
今日狂夫真遠客故人應為賦招魂

初達松州寄兩顧

寄語騷壇客殊方不可遊傳書無塞雁飲水類吳牛

初到

松州者飲水必作喘苦菜稱佳味圓根抵蔗羞番兒無少壯赤脚

布纏頭

松州旅思

馬首西來挹塞沙  
眼中景物謾驚誇  
番兒爭食青稞米  
古栢時啼紅嘴鴉  
一雁不聞誰遞信  
千峰相續敢思家  
最愁日落寒雲外  
後嶺前山咽戍笳

雪夜

四圍山色雪模糊  
孤館宵分冷切膚  
一點窓燈半明滅  
岷江聲直到成都

松州感事

番部荒荒起戍樓  
潘州鼓角達松州  
犏牛轉粟長相續  
鐵騎連營久未收  
雪燻萬重攢劍立  
岷江幾折斷腸流  
書生不解籌邊策  
枉挈書囊事遠遊

答兩顧

君書問邊塞  
欲說重咨嗟  
急雪偏籠日  
無風亦捲沙  
漫山縈鳥道  
負郭少人家  
觸目皆殊俗  
歸心羨暮鴉

懷家兄崑源

一雁西飛入塞烟  
離群顧影思茫然  
巴山蛇折紆邊路  
隴水猿啼咽暮天  
錦里漫勞歸計日  
嚴軍直恐駐經年  
那堪却想從前事  
夜雨蕭蕭對榻眠

登赤松觀樓

曾經紫柏惜匆匆

紫柏山在陳倉道中留侯從赤松子遊處子丙申秋入蜀經此絕塞

登臨訪舊踪天外水沅城兩岸眼中光眩雪千峰授書

何處逢黃石辟穀他年問赤松無限客情消未得數聲

鶴唳一聲鐘

相傳每歲赤松子生辰必有野雀飛來數日始去

冬夜

迢迢寒夜只孤栖似鹿心情復似蠶出塞路遙愁雪擁  
歸家夢穩怕雞啼哀笳吹罷風初勁短燭燒殘月向低  
傾盡松醪渾不醉一身真在萬山西

雪聲軒詩集卷二

十一

寄兩顧

歸期無定只長歎邊塞風高月又殘書後欲題千嶂一  
恐君遙望亦生寒

送人之成都

留滯松州客看君返錦城故人如問訊只說未收兵

對月

孤月如相識離人永夜看雪連千里色風助五更寒關  
塞親朋遠天涯涕淚殘何時歌杖杜處處照歸鞍

登松州城樓



未得東歸去登樓眺望賒亂山低抱郭殘雪遠堆沙絕  
塞騰兵氣流光逼歲華成都多美酒那得不思家

歲暮寄懷四首

昨日家書到塞垣慈親多病眼全昏歲徂遊子無歸信  
苦對斜陽獨倚門

一本荆花爛熳開分枝忽向塞沙栽雪風憔悴無顏色  
可有春光早晚迴

迢迢無計得隨肩殘歲相思倍黯然縱使歸鞭今日着  
論心應已是明年

雪聲軒詩集卷二

十一

絕塞誰憐一病夫冰牀鐵被夢蘧蘧別來風雪連三月  
驥子而今解語無

除夕二首

孤燈明雪屋爆竹響空山此夕歲云盡如何遊未還擁  
爐仍縮手把酒強開顏千里高堂隔征衣淚點斑

坐戀須臾景寒更轉不眠未聽雞呢喔尚與歲留連舊  
曆旋無用新春若個邊蠻荒無節鼓何物錢流年

喜兩顧至

冰天雪窖着羸身斷雁哀猿併不聞書寄錦江常慰我

春來玉壘忽逢君半年客思投荒徼一種歸心戀白雲  
燈火話長無限意未遑尊酒細論文

自松州歸成都

麩韃竟得別松潘千里冰霜送客鞍擦耳崕邊飛棧窄  
油溪溝畔亂峰殘馬頭春雪裁眉遠眼底蠻江灌口寬  
今日錦官回首處羌村尚自枕難安

吁戲偶存

起戊戌四月至六月

回省未幾復有茂州之後崎嶇鳥道暑雨載途且  
自蠶岷以西地入氐羌山惟土石每遇雨後崩摧

雪聲軒詩集卷二

十三

行人往往有被此厄者視棧閣如康莊矣

喜雨

嵐氣遙含雨風吹到草堂蕉林千葉響莞簟一床涼雷  
震驅驕寇龍歸帶夕陽農家應更喜早晚稻花香

郫縣

衝炎匹馬又西征心戀衰親不計程高柳一鞭殘照影  
亂蟬嘶入杜鵑城

油溪溝遇雨

風帽油衣我馬瘡那堪左擔更泥途行人相讓頻相閱

路轉前峰雨有無

娘子嶺

嶺上茆蒼結搆危亂雲堆裏步虛詞成都已  
在千山外耳畔何因叫畫眉

桃關

銀杏坪西路幾灣銜山斜日射桃關滿傾  
畚釀青稞酒來聽江聲吼萬山

七盤關

天近氏羌夏亦寒亂山如髻少峰巒那堪  
六月維州道

雪聲軒詩集卷二

十四

風雨淒淒路七盤

宿茂州

山城信宿寒無比夜逢三五天如水離人  
不敢舉頭看月應冷笑人千里

日課間吟

起戊戌六月  
月至十月

自茂州回息影草廬手鈔漢魏六朝以及唐宋元  
明古今體詩各一冊藏諸篋衍檢閱為便蓋以曾  
行左擔之道不忍部帙充箱累人汗馬也日課之  
暇作詩無幾亦存之以紀歲月云爾

夏日過岳東美西庄賦贈時東美擢鎮永寧將  
由成都赴任故未句及之

指揮羽扇本翩翩舊業猶餘負郭田便道家園消酷暑  
相携賓客聚平泉柳陰繞舍堪調馬溪水通池正放蓮  
觸熱頻過知未厭心旌已赴錦江船

戊戌秋八月岳東美新居貼海棠盛開索賦

似憐好夢逐春空又點新粧占漢宮一笑相逢能狡獪  
顧仲瑛詩怪底海棠能狡獪滿庭誰識有秋風名標貼梗天然別開  
傍芙蓉異樣紅曉露精神如欲語數榮端為結巢翁

雷聲軒詩集卷二

十五

送兩顧赴松州出塞四首

腸斷松潘地嗟君一再遊雪深千里道木落萬山秋  
對青稞酒愁登黃石樓更憐蘇季子敝盡黑貂裘  
塞外傳淒楚君其慎此行羌兒多異狀邊地半無名  
日落黃河急風來白草鳴歸聽談抵掌誰復日書生

蕭館荒山鬢歸心落日邊悲風喧鼓角積雪照烽烟孤  
燭寒無焰長宵夢易牽昔年嘗此味送尔一潸然

把晤纔三月分張豈有期未酣詩酒興又到寂寥時聚  
散真難定悲歡不自持無能逐鞭鐙贏得淚痕滋

後出塞吟

起戊戌十一月盡十二月

戊戌九月

大人督餉至丹仲公駐牧之地余時

病不獲從仲冬病起疾馳出關塞外風情又絕殊於邊城眼界矣帳下悲歌與哀笳互答是誠所謂冷淡生活也

苦菜

清甘入牙頰寒綠貯瓶罌只為生窮塞翻教被苦名

香猪

邊風牛羊羶海味魚鰕殍平生藜藿腸饒涎宵垂溜頰

雪聲軒詩集卷二

十六

年來松州但裹青稞糗寒流絕罍罍短柵稀雞鷄

松州有魚

龍雞鳳之談

乃聞包坐番

上下包坐在關外百餘里許

板屋有奇畜遠致

豚一肩可憐不掩豆呼酒佐孤斟對案先三嗅果然齒頰香奚止飢枵救回思客西江花猪如錯繡每飯飽肥甘四體變清瘦安知徼外天幻及泥中獸豈其少藜飼反得豐肌肉格物媿未能饜飫猶虛陋會當譜食經以告彼豪富

三寨

并序

松州之番有祈命寒貯商巴三寨剽悍陸梁喜戰

鬪而耻於擔負用以執鞭轉粟雖重賞之下非其  
所甘此松州饋餉之初大不易也

滿面塵沙盟沐慵插腰匕首木皮封

每番晉問必帶一  
刀以樹皮為鞘

即看鋒鏑爭先意也勝人間賣菜傭

### 漳臘營贈周將軍奇玉

旌旗鼓角雪山根誰識窮荒一將尊多謝周郎頻送酒  
夢回羶帳有餘溫

### 黃勝關

冰雪山全合咽喉地最偏無門嚴鎖鑰有路入烽烟慊

### 雪聲軒詩集卷二

十七

慨親霜劍凌兢費馬鞭翻輸百夫長夜夜解衣眠

### 得勝橋二首

水帶斯流急山憑雪積高出關知未遠土屋有牛槽  
停鞭尋斷碣徙倚小橋邊當日誰降敵勲名竟不傳

### 香浪橋

寒山日落牛羊下荒岬風悲鴻雁低立馬橋頭魂欲斷  
佳名知是阿誰題

### 殺鹿塘 并序

一望平原坦道乃冬則層冰夏則積潦步騎有蹉

跌之虞惟草根盤結處始堪投足名塔兒頭云  
出山喜平坦何期弥險熾草根冰雪裡羸蹄安得知步  
步愁蹉跎行行徒嗟歎番兒慣作賊驛馬鞭如飛

甲四

開口呵髯霜垂鞭防指墮可憐孤戍兵哀笳吹欲破

郎塚

鐵被廉隅起瓊廬咫尺寬非關霜氣冷是我劍光寒

巴西時大軍駐巴西阿西之間連營數十里

陣雲千里結層陰愁絕無如此夜心倦馬悲嘶應未飽

雪聲軒詩集卷二

十八

巴西雪校阿西深

鎖葫蘆

遠別君平市安能隱一壺翻騎阿壩馬阿壩產馬最良必於馬之眼

炙柳烙痕為記走入鎖葫蘆

鳴竹河

時方臨河造舟軌粟通黃河入藏

疏鑿不到處河流千百折問程三十里盪槩費兩日

黃河

秦豫經行處方舟渡濁流忽驚清見底塞遠近源頭

冰橋二首

銀河傾瀉水茫茫  
彼岸誰能一葦杭  
莫道西風無用處  
吹教波浪作津梁

直待薰風四月開  
惜無柰柳夾河栽  
須知終似垂虹影

剗木曾聞附驥來

水橋釋凍後則剗木為舟繫于馬尾驅馬以渡

丹仲

為青海四十八藩之一

城郭嗟何在  
通房火氣浮  
王侯天一角  
羊馬地千頭

馬酒

馬潼如泉滿  
拍浮尊前疑  
拜海西侯古  
來多少從  
征客一醉沙場萬里秋

黃羊

羶鄉滋味數黃羊  
絕勝熊蹯鹿脯香  
輸與雲沙射生手  
馬如沕雷箭波長

黃鼠

白草晝茫茫  
鼠輩出復入  
畏馬不畏人  
見人拱而立

喜晤兩顧於丹仲營所三首

匹馬入重營  
無功那得名  
看成一咲絕  
塞兩書生  
終軍非請纓  
班超未投筆  
何妨帟帳中  
細論詩法律  
君真海鶴姿  
我豈燕領相  
馬前今日卒  
壇上他時將



學射集

起巳亥正月  
至庚子三月

射以觀德君子之學也古之教弟子者成童學射  
禮射義則云事之盡禮樂而可數為以立德行者  
莫若射是射者盡人所當務也余幼喜馳射佔畢  
餘暇常調弓矢年來從役軍戎益究心於左附右  
拒之道雖未擅百發之能然角勝於堂射生於野  
亦足以豪矣

過岳東美宅夜話

士馬嚴裝日旌旗未動時相看一樽酒風雨夜歸遲

雪聲軒詩集卷二

二十

送岳東美出師二首

為存屬國討克頑

詔領千軍暫出關列隊戈鋌光似雪指麾號令重如山  
威加羶藏先聲奪略定諸蕃計日還不用費弦蕙折矢  
穰苴門戶慣征蠻

昔從樁府平蠻部今擁旌旗入塞雲甲士舊諳司馬法  
番兒重認岳家軍休教蟻潰猶成垓要使狐奔自失群  
待掃蜀山一片石蓬婆雪外勒崇勳

較射

笑擲霜毫卷剡藤言從射圃鬪分朋敢誇猿臂無虛發  
力挽強弓我尚能

裘馬翩翩總軼群柳陰角勝抵臨軍縱教不中金錢的  
試聽聲聲響入雲

謁宋潛溪先生墓

在淨居寺

館閣文章莫比倫淵源遠紹宋頭巾只言投老仍初服  
誰料生兒竟累身萬里風烟埋白骨千秋猿鳥哭青春  
想應悟徹人間世永結空門物外因

月下偶成

雪聲軒詩集卷二

二二

雨過餘明月塔空響絡絲竹深風不動瓜蔓露偏滋飄  
蕩浮雲意安閒宿鳥枝悠然何處笛應和短歌吹

遊桂溪寺

寺內有蜀藩寧李二宮監墓

招提塵境外聞道極蕭疎豈料來消夏翻因誤信書桂  
凋惟聚蠹溪淺不生魚怪見中涓冢豐碑劫火餘

戲贈同射者

投弓舉白語同儔莫道難甘失鵠羞善射縱教如李廣  
誰知李蔡竟封侯

初秋呈兩顧

一段新秋意蕭齋我共君涼風初落木疎雨不因雲病  
骨朝添袂書燈夜滅蚊梁間雙燕子歸思定紛紛

無題

春深花氣暖蒸雲人立花間總不分笑摘海棠斜插髻  
好風吹縵石榴裙

踏徧長廊又小庭孤螢點破草青青浮雲深鎖團圓月  
漏出牽牛織女星

卧病

放浪偏多病蕭條此一齋江城聞力杵秋氣入陰霾夢

雪聲軒詩集卷二

二十二

覺不稱意詩成得好懷安心真是藥莫問酒如淮

中秋無月

雨氣生良夜空憐令節過團圓真不易皎潔竟如何舉  
酒誰招影乘槎擬溯河清光雲霧裡應比下方多

送夔州胡太守以母憂歸無錫三首

三峽波瀾潤堪容橫海鱣正聞清德頌忽咏慕莪篇未  
遂登堂約空教灑淚偏錫山何處是翹首望新阡  
我愛胡安定名儒治行新置倉朱子法足食播州民幾  
借隣封寇頻爭界上人可憐巴子國烏鵲擁朱輪

任留鞭鐙在急擲郡章行狸首悲雲合牛眠計日營難  
移純孝志宵藉作忠名磨鏡何時遂淒其執手情

雨晴見月有感

久被微雲掩中宵特地明氣先邊雪冷光逼夜烏驚落  
木橫斜影竇鴻斷續聲沙場征戍容矯首若為情

東郊小獵

男兒有志不得逞夢為邊塞收奇功覺來惘惘如有失  
聚徒射獵東城東高秋霜曉木葉脫驕馬蹴踏嘶風駿  
豆萁初落禾正割烏獸竄伏家室同巧排步驟布行陣

雪聲軒詩集卷二

二十三

合圍那復張羅置韓盧突前大軍至蒼鷹橫擊偏師攻  
上窮驚鴻下狡兔車輪染血斑斑紅奔騰四散應弦倒  
一聲霹靂旋蒼穹興酣日落暮雲合鞍掛飛走郊原空  
射生搏擊樂莫樂如統萬騎掃羗戎五車漁獵豈不富  
鑽研故紙非英雄寧逐跼鳶炎海畔羞看射帟南山中  
况今邊州屯士馬旌旗鼓角飄西風書生不得丈二爰  
聊以校獵夸羆熊

晤別李天濤表兄二首

不謂蠶叢路今為萬里遊却思桃葉渡昔別五經秋歲

月風霜緊邊城草樹稠  
追歡誰料得慰我夢悠悠  
留連能幾日殺墨未能閒  
剪燭耽情話臨歧慄別顏  
烟雲開峽口花柳動江關  
沿路吟詩去春風滿皖山

送家兄善伯之茂州任

西上繩州去千盤鳥道微  
山多城郭窄地僻吏民稀  
鎮日風沙惡諸番面目非  
虜亭堪挂笏鷹隼看冲飛

又送兩顧往松州

霏微疎雨浥輕塵目極征鞍倍愴神  
仗劍慣為千里客從戎今作二毛人  
岷江雪盡奔流急松嶺風暄古樹新  
好向邊沙磨壯志不須回望錦城闈

雪聲軒詩集卷二

二四

投劍草

起庚子四月  
至辛丑四月

庚子春

詔發秦蜀滇南三省兵  
分道進藏松潘一路甲士萬人  
饋一歲之糧深入不毛之地  
轉輸絡繹軍食豐衍  
余送大人督運出關而返  
及秋而西藏底定邊防  
秋朔方是年立跳盪功  
今余間關邊塞首尾三年  
惟橐筆往來空歌行役遠愧古人矣

初夏夜坐書懷

鶯花過眼咲無憑兀坐清宵感自增  
靜院蚓歌深夜雨小窓蛾撲讀書燈  
望窮霄漢知何路夢入風雲不計層  
但使養成翎翮健誰言俠士盡如鷹

劉克莊詩俠士如鷹飽易颺

灌縣道中

夏畦人倦憇桑根赤日當空堰水溫  
行客垂鞭渾不覺修篁綠到縣東門

興文坪

幾年來住宿興文此日經過又夕曛  
茅屋數家人不見

雪聲軒詩集卷二

二十五

亂山深處駐官軍

汶川縣

飛沙關外客行稀蕃部弓刀瓦寺威  
日落隔江平頂屋牛羊間角滿山歸

威州

董卜韓胡此路通索橋如帶走西東

岷江水急不能築橋惟牽繩於兩岸

上以板片鋪之搖撼無定土著者乃敢度名曰索橋又非溜索比矣

可憐番漢神明宰盡

室栖遲破廟風

長寧道中口占

挿嶂碉樓高似塔橫江筏纜穩於舟共驚蠻女真烏鬼  
不信番兒少白頭

新橋道中

孤客貪程路更遙晚風斜日過新橋羗兒羗婦初無別  
總向荒山種苦菽

悼馬 并序

余在松州得青驄蕃馬毛骨神駿但其性陸梁無  
能調馭者惟一見余則俯首受羈馵一歲之間三  
往返於松維道路冰霜危棧賴以無虞噫真軼群

雪聲軒詩集卷二

二十六

材也乃病瘡以死却顧阜樞間斲草戀豆者成群  
皆駑鈍欲聞昔日之昂首長鳴其可復得耶因成  
五言二律以志傷悼至其萬里之心千金之骨即  
鑄銅圖像作賦鐫銘亦未足形容云爾

騷真龍種追思轉惻悽眼明知戀主神駿不沾泥應  
月呈雙頰從風入四蹄如何埋骨後偏向夢中嘶  
幾從邊塞役念尔益含悽犖确松州路崎嶇蜀坂泥觀  
圖思逸品歷塊識堅蹄俗馬空多肉蕭蕭仰秣嘶

雪聲軒詩集卷二

滕蹟江山自古今我生  
雖晚又登臨風更憶  
襄陽句不獨看碑涕淚  
深

味齋楊輝

卷





